

اعتصام

٢٩ ذی الحجہ سنہ ١٣٣٧

٢٥ اپریل سنہ ١٣٣٥

{ منافع عامہ خادمہ مجموعہ اسلامیہ در }

احمد شیرانی

دارالفون و مدرسہ لری

علا الدین روحی

حیرت و تقدیس لرم

آناطولی احوالہ دائر ارشادات خلافتینہ

ولی عہد عبد المجید افندی حضرت تارینک قادینلق حقندہ بیاناتی

طاهر المولوی

جاہلیت دورندہ قومیت دعواسی

شمس

ملکیتہ ایچون دوشونڈکرم

فیضانی (٥) غروشدہ

فالج - اعتصام



١٣٣٤

— مملکتکم ایچون دوشوند کلام —

مملکتکم اوغرا دینی بو قدر قاتانی بن کندی فکر و اجتهادمه کوره ایکی نقطه ده بولورم:

۱ — ملتک عصره موافق بر تربیه ایله یئشدرلمه یوب کلیشی کوزل ، باطل سقیم ، مکررله زهرله نوب بالان یا کاش بولارده بوجالامه سی و دولایسیله مملکتی ، ملیتی ، دیانتی سیلمه یوب ، طایفه یوب یا شامق ایچون بر قوت بوله مه مسیدر .

۲ — یئشمش ، هر شیئی تقدیر ایتیش ، مملکتک مقداراته حاکم و صاحب اولمش ؛ سیفنه مملکتک اداره سی اللربنه آلمش ، مأمورین دولتک مالک اولدقلری بوتون قوتی منافع وطنیه دن اول امور شخصییه استعمال ایتقلری یعنی وجدانلربنه ، « سلامت و سمادت مملکت ، عشقنک حاکم اوله مه مسیدر .

بو ایکی کونولکک بر طرف ایدلمه سی ونسل آیتنک اینی بر صورتده یئشمه سی ایچون شویله دوشونیورم :

بو فکرمدن دولای زهار « خام صوفیلقمه ، حل ایدلمه سون ، مشرف اولدیقمز دین اسلام یك شمولیدر ؛ انسانلی ، اخلاقی ، عصره کوره یا شامق و ده ا عقله کله بن بر چوق شیلری جامع و آمردر . عاقله و ابتدائی مکتب تربیه مزده و تدریجاً بتون تحصیلده خط حرکتمز اساسات دینییه استناد ایدرسه ؛ بر انسانه الک بیوک بر قوت اولان « منویات » و دولایسیله « مخافه الله » قلوبله برلشمش بولنور . « رأس الحکمة مخافه الله » دین پیغمبر محترمز افندمن حضرتلربنک بو مبارک کلملری قدر واسع معنای جامعدر . الله قورقوسی قلبنده بر طومش بر انسان ، البته حرکات و اجرا آئنده بو قوتک تحت تأثیرنده در و بنا علیه شرع شریفک امر ایتدیکی شیلری کوز اوکته کتیرر ، نهی ایتدکلربی یاغاز بوتون قوتی اییلکه صرف ایدر اینی آدم اولور ، اینی آدملردن اینی ایشلر چیقار ، اینی ایشلردن ده اینی بر مملکت میدانه کاور ، دولایسیله ملتده ، مملکتده ترقی ایدر ، معمور اولور ، مستقل اولور ، حیث و شرفی محافظه ایدر . اعتقاد و اجتهادجه ؛ شریعتک امر ایتدیکی شیلری یاغق هیچ بر وقت نه ترقی به ، نه تمدن ، نه انسانلقه ، نه ده معاصرلاشمغه مانع و منافی دکلدور . اساسات دینییه مسامحه

ایتمه مک شرطیه هر دورلو بدایع و قواعد مدنییه قبول ایده بیلورز ، اوامری
آلپهینی حرفیاً بیان آدملر عین جدیت و تمصبیه اک سوك اختراعاتده اهمیت
ویرسونلر ، قبول ایتمسونلر ، مملکتک اعماراتی ، ملتک ترقی و تنویر افکاری
ایچون نه بایلیق لازمه قبول و تطبیق ایدلسون .

علوم و فنونک تعلیم ایدلدیکی اک یوکسک بر مکتبده تحصیل کوسرتیلان
اهمیت و جدیت، مکتب مداومینک اساسات دنیهلری ایچونده عین وجهله تعقیب
ایدله لیدر ؛ مثلاً : غاز قبلدیرتملی ، اوروج طوترتملی بو کپی شیلر مسامحه
ایدله ملیدر . بونلر ، یالکز پروگرامسز جاهل آدمک اللرنده کی ابتدائی مکتبلره
انحصار ایتمه ملیدر . چونکه ؛ حیاته اولان برمل ایچون نه زمان اولورسه اولسون
بو ؛ برفریضه قطییه در . اک مترقی ، اک مکمل بر آوروپا بر آمریکا اردوسنک
اساسات و قواعد عسکریه سی اردومن ایچون قبول و تطبیق ایدلم . فقط عین
زمانده اردو ایچون یک لزومی بولونان «قوة معنویه» بی قویه ایچون ؛ قواعد عسکریه یه
کوسرتیلن جبر و شدت ، جدیت قدر قواعد دینییه ده اهمیت ویرله لیدر .
کرك مکتبلرده ، کرك اردوده ، کركه هر هانکی بر صنف خلق مزده متعصبانه
بر صورتده بو صربوطیت معنویه ادامه ایدیریلورسه نه ترقیه ، نه تمدن ، نه
آداب معاشرته ، نه معاصرلاشمه مانع اولونماز . بونلر آیری آیری شیلردر .

ایکیسی ده الزمدر بری برینه دستکدر ، برینک یوقلانی دیکرینکده محوی دیمکدر .
مادیاتسز معنویات ، حکمی اوله رق معنویاتسز مادیات قابوله من . بن کندی حسابجه
دینی سودیکم و حرمت ایندیکم نسبتده ، عصر و زمان حاضره کوره مملکتک
ملتک سعادت و ترقیسی ده عین قوت و نسبتله تمی ایدر و کورمک ایستهرم .
بو ایکی قوت عین درجه ده متین اولمزه ، بری برینه استناد ایتزه جوروک و
تملیر اولور ، بناء علیه ، مکتب تحصیل مزده ، عائله تربیه مزده ، اردو مزده بو
قوتلره عین صورتله اهمیت ویرله لیدر . ماده بر آدم یاخود بر عسکر ، مملکتی ولو
مملکتک ترقی ، دنی سعادت و فلاکتی طانور و اوکره نوره ده بو وظیفه وطنیه سی
یاچق ایچون قاتلانجنی فداکارلقده کی قدسیتی ، روحانیق مطلقاً «قوة معنویه دن»
آله حق و اوکره چکدر .

قارنلر کردن

محمد